

Nelson Oduber

GOBIERNO TA GASTANDO ANUALMENTE 10 MIYON FLORIN NA ENSEÑANZA

Pronto Madiki, Montaña y Sero Blanco lo haya school nobo



ORANJESTAD(AAN) -- Na ocasion di ponemento di e promer piedra di e

kleuterschool di Cadushi Largo, Promer Ministro Oduber a hiba un discurso

bastante interesante.

Oduber a muestra cu Gobierno desde 1989 ta dunando tur prioridad na enseñanza den comunidad ya cu e ta considera enseñanza importante pa e desaroyo economico di

un pais.

El a indica cu Gobierno ta gastando anualmente como 10 Miyon Florin na enseñanza sin conta e sueldonan di e maestronan.

Oduber a sigui bisa cu Gobierno ta mirando e necesidad pa renoba y construi schoolnan pa comunidad.

Gobierno lo bay construi un kleuterschool na Madiki mientras cu na Montaña lo laga construi un school basico.

Oduber a sigui bisa cu na Sero Blanco tambe lo bay laga construi un school basico.

Manera ta conoci, actualmente practicamente tur e kleuterschoolnan ta completamente yen. Construyendo esnan ariba menciona, Gobierno ta crea e posibilidad cu mas mucha por cuminsa bay kleuterschool mas cerca di nan cas.